

K296.4
10
37

中國地方志集成

湖南府縣志輯 ⑤1

道光寶慶府志(一)



江蘇古籍出版社•上海書店•巴蜀書社

寶慶府志序

寶慶府古邵州地所屬一州四縣首尾沅湘控瀛嶺東北枕湖南行省五百里而近號爲輿區使者自道光六年官滿後在政使中閒再撫湖南今年秋奉

命調任南楚值廣西賊匪蠢動郡屬之新寧城步戒嚴分命御史防勦甫定蓋使者二十餘年間觀政於湖湘之日最久以規是故於郡屬之山川疆域土俗民風聞之習而知之詳郡故有志自乾隆間太守鄭之倫踵修之後歲月聯遞文獻缺有間焉於是前守黃君宅中今守張君鎮南謀所以重新之者而聘郡人鄧湘阜山長任纂修之事凡三年而書成請序於使者嘗慨方志猥陋修陳風土假借附會味厥甄限列傳縛於家牒藝文浮於總集而輿圖戶籍之要附綴焉已爾鈔撮焉已爾因山水而

寶慶府志序

序一

有郡縣不通乎烏道準望之術則圖測不確也因郡縣以析民居不綜乎姓氏村落之綱則土著無徵也是書最凡紀七表十圖二記三書六略二錄五傳四而於山水戶籍輿地形勝關隘險要尤詳哉其言之夫志者志也宗史而祖書書以道政事史以効得失凡以示人行政之方俾資於教養承平之日勿狃於實安是書也成使守土之人一覽而山川疆域土俗民風如視諸掌焉於以體

國經野度地從政使吾寶慶之民同登康樂和親之書於永禩也是則守土者之志也夫是則使者之志也夫道光二十有八年春太子太保總督湖廣使者裕泰序

寶慶府志序

或曰志者史之一體也自扶風因龍門八書增爲十志地理志居其一范書改名郡國實輿地理無異是郡國又志之一體也雖然列天下之郡國爲數卷則史不可以志賅若一郡國自爲一志俾疆圉廣袤道塗險政教所出風俗所成類聚羣分人傑物華各有攸敘則可以兼史之衆體今夫士君子有片著述豈徒取其名而已哉必將條鉅細數本末掣綱領布條目語語悉歸於實而後爲天下有用之書況郡國所施行必資於志脫令猥瑣挂漏擇不精語不詳戾乎常經味乎時變守土吏雖日披載籍而絲絲緒亂開卷茫然欲有裨於實用豈可得哉故善作志者必先究心於史體也余蒞任之初晤寶慶太守張君知黃君宅中攝篆時延書院山長鄧君重修郡志已次第脫稿而

寶慶府志序

序二

未見其書也今歲初冬新寧騷不靖余奉檄往討過郡城鄧君出書見示事竣旋省乃得從容觀之其書凡百四十五卷較舊志增多卷中各體之名悉準諸史其采訪條例凡七於鄉村界址山川里數以及民居氏族爲郡邑志從來未及者尤致意焉夫界址明則防維易也里數析則跋涉便也氏族別則宗法具也綱無弗舉目無弗張鉅細無弗周本末無弗貫雖僅一隅事乎而衆體完備足以抗蔚宗追孟堅駁駁乎入子長之室矣猶憶軍事方興余未暇觀全書先觀其形勝圖記楚粵毗連之境漢猶交錯之區何地可守何地可攻何地可出奇何地可設伏靡不瞭如指掌昭析無遺用以誘賊離巢遣兵夾擊殲渠執訊勦撫兼施甫及三旬干戈遂戢此皆仰仗

聖天子德威遠播稟受

制軍

中丞綽略總戎以下諸將弁與守

令丞倅士民同心同力得上慰

宸念之勤余未嘗有績也而倚角扼吭管見亦不無偶中實賴圖記有以導之余於是歟務虛名襲僞體者果不足與言志也若是書者變事藉以行權經事更可知宜守土吏誠悉心緝聞明辨篤行將見一郡數百里內疆圉鞏固道塗肅清政教日隆風俗日厚則其有裨實用豈祇在今日平糶一事哉第賞其名目之古謂正史而外並別史雜史諸體莫不兼之博雅闕通生面獨闢猶淺之乎測是書也道光三十有七年十二月既望署湖南按察使事鹽法長寶道歸安楊炳堃序

寶慶府志

序二

二

寶慶府志序

道光二十有四年余以湖南古丈坪同知權守寶慶檢閱郡志自乾隆間鄭東里太守修輯後迄今八十餘年缺漏殊多竊念表章文獻守土之責欲修舉焉而慮秉筆之難其人也明年春敦延新化鄧湘阜先生主講濂溪書院課士之暇相與商榷搜討重加纂述先生者年邃學好古情深嘗有楚寶之編沅湘者舊之輯固已擷翹林於杞梓揚幽馥於芷蘭矣茲又以郡志之修慨然自任桑梓之見聞既確老成之學識尤精因急率僚屬士民籌費開局并招致通敏博學者任分校之勞文質彬彬一時稱盛已而余遷貴州大定府知府是年夏六月卸事代者爲郴州刺史吳君士俊而新太守張君鎮南亦於秋七月至長沙則余鄉人也二君與余同官而又皆同志聞修志之舉各忻然

寶慶府志序

序四

曰此乃政之急務君雖去後必踵成之又明年夏邵陽縣訓導彭君泮中書來具言志已脫稿先後授梓人促爲序言弁諸簡端序則余不敢作顧區區未竟之志則有不能不告諸後來者因以其意郵附簡末期其事之相與有成也先是郡西郭故有召伯祠久圯前年葺而新之王茂才遐襄向余言城南甘棠鋪古樹無存以於祠前補栽棠樹使召公遺蹟允著是邦又濂溪周子以永州通判來攝郡事遷學於牙門之東南今邵陽縣學卽其故地尙書度支郎中孔延之作邵州遷學記詞義甚美碑已無存余嘗欲覓佳石書而鐫之碣於學宮俾學者仰止景行知所嚮往此二者皆余欲爲之事以遷去不果曾以語訓導彭君庶幾其終成之乎訓導書又言濂溪書院向有謝公祠祀明郡守謝貞肅公省日久圯廢有新化周監生者願出貲重修而

鄧先生之戚陳之弼訓導議於書院建邵州五忠祠以祀郡人
劉孔珪盧大受陳君寵何天衢林青陽五公是皆以忠節著聞
載於郡志者郡人士慕義之風不尤當表而出之耶若夫鄧先
生以修史之筆修志是書之成將與朝邑武功並垂不朽有識
者自能辨之無藉乎余言至吳刺史張太守之後先繼美及郡
僚紳士之協力贊成俱已詳著卷端亦無俟鄙人贅述也道光
二十有六年冬十月癸丑朔河曲黃宅中書於貴州大定府署
之鑑心堂

賢人君子之生於其時其地豈偶然哉孔子嘆杞宋之亡不足
夏殷之禮無徵蓋傳世既遠典冊放失無人焉網羅舊聞纂述
之以詔方來學士大夫事有所可疑政有所不通無所質信小
子後生無由考古識遠以牖其聰明而激發其志氣非細故也
今天下郡縣莫不有志矣然非殫見洽聞通達古今蓄道德而
能文章而天又予之以寬假之歲月使得優游著述萃文獻於
一身者爲之必不足以信今而傳後乙巳之秋余承乏出守寶
慶寶慶宜有志未得見也先是吾鄉黃惺齋太守權郡事因寶
慶志修自乾隆間今缺漏過甚亟宜修適新化鄧子立先生方
主郡城濂溪講院遂以相屬子立復引其友鄒君相助既開局
會惺齋擢守大定去吳君傳巖繼之鄒君別去而以其事諄屬

邵陽學彭君彥深爲之左右而余適受代至因得從彥深與子
立從容商榷開日親造局中相與上下其議論益習而於是書
視見其成之之勞與間所以作書之惜世稱高似孫刻錄于欽
齊東康海武功志韓邦朝朝邑志爲方志之最顧其體例謹嚴
援據精核無方志繁濫荒陋之習尙已然於一方吏治得失民
生休戚安危之大則未之及是書兼四家之長而地志一門以
州縣統鄉里以鄉里統村團都若必詳著其去治遠近東西南
北所接壤何村何團與夫山川關隘塘遞亭橋寺觀經涂縱橫
間道紆直之可藏伏出入準開方法分合伸縮一一爲之圖又
仿華陽國志著其村內大姓又別爲氏族表莫其世繫里居使
夫覽者瞭如指掌無事之時可行保甲之法有事則團練守禦
方略皆具其中此則四家所未曾見及者蓋煌煌乎經國之鴻

猷資治之鑑也若夫人物列傳發潛闡微往往舊志所遺以敘述而不得其詳且要者爲博稽諸史及百氏記載金石碑版詳加甄錄俾忠臣烈士遺民逸老孝子悌弟可歌可泣之行百世下凜然如生所以扶世教勵風俗之意蓋諄諄焉又豈尋常方志所可同日語哉予立名在天下所著諸書多刊行海內方聞綴學之徒類能言之今郡志一書獨余先覩且身親其事爲快竊以謂是書之宏綱鉅目博瞻詳密與作者之通才偉識精神意量皆可以垂世行遠又念國有斯人向令出所學得行其用世之志其所建樹當別有在顧栖栖燕齊吳粵閒垂老屈就一冷官旋且棄去今七十之年神明不衰猶得從荒江老屋中一起而成茲不朽盛業此則天所畱以爲文獻交萃之身雖非邵人所得私然不可謂非邵人之幸也故於其書之成亟馳簡

寶慶府志序

序五 二

告慰惺齋爲邵人幸亦爲吾輩守土幸且爲海內讀是書者幸也道光二十有八年冬寶慶府知府孝義張鎮南序

寶慶府志總目例言

紀 表 圖 記 書 略 錄 傳

右寶慶府志大綱有八目分三十六門編年紀事略仿史例爲紀一曰大政爲表十曰沿革曰疆里曰藩封曰世職曰職官曰武職曰巡歷管司曰選舉曰氏族曰士女爲圖

寶慶府志

總目例言 一

二曰形勝曰疆里爲記三曰形勝曰疆里曰山川爲書六曰吏曰戶曰禮曰兵曰刑曰工爲各二曰五行曰藝文爲錄五曰政績曰武功曰良翰曰使岷曰殘明爲傳四曰先民曰勝朝耆舊曰國朝耆舊曰列女卷末爲撫談凡紀之屬其卷七表之屬其卷四十有五圖之屬其卷十有七錄之屬其卷十有二傳之屬其卷三十有三摭談別爲三卷首卷六敬列 詔諭公典大凡一百五十二卷總二百餘萬言始於道光二十五年三月越二十九年六月告成敢云文省事增聊用發凡起例 寶慶自順治四年內附後又閱十二年始克底定二百年來

列聖詔誥

皇上諭旨雖僻在一隅而谿峒山徭時墮

磨慮其閒飭勵臣工勤求民瘼表彰忠藎諸大端煌煌

天語萬世典謨雖非爲一郡而發亦當敬謹登載然不敢分隸

各門也至學校壇廟祭祀大典係天下公行非一郡所得

專舊志樂章品物瑣細備載非志體也茲謹哀爲

詔諭公典二門并寬全書不入卷數所以示尊崇亦以昭

限斷也

紀者記也所以記其事也史傳人事與地理相經緯地理

終古不易人事日異月新其閒治忽臧否災祥休咎史不

絕書不可勝紀今首列大政一門以編年史法書之起自

漢元朝五年至於國朝道光二十八年凡歷代郡國建

置因革損益及凡命將底定之勞設官循撫之績年經月

實慶府志

總目例言

二

緯首揭於篇若網之有綱樽而出之一展卷而千餘年之

郡事瞭如指掌不待披全志而已得其要領矣故先之以

大政紀

郡占荊州域秦漢以來分隸長沙零陵爲縣爲國爲郡爲

州府軍路代異名更致難畫一今詳爲考定著其統屬釐

其分置析其離合省併又博采圖經地志諸書以實之言

不厭詳事惟求實一展卷而千餘年之提封圖簿歲集司

空者不待搜往籍而巳在目前矣故次之以沿革表

志地莫先疆里明制分州縣爲鄉分鄉爲里分里爲甲

國朝因之田賦出其中徭役亦出其中然民田不無變易里

甲歲有收除於是因形勢之便設爲村團故里甲無定域

而村團有定居今志疆里而實以村團里甲村團分四正

四隅首列去州縣治里數里甲分都廂鄉里備列十甲姓名俾閱者按籍而披一覽瞭然所以備稽覈亦以重賦役也故疆里表又次之

志地莫重封建郡爲漢代食采六朝遙封故壤都梁夫夷

昭陽侯國邵陵王公武岡高平子男諸爵炳焉馴至防禦

龍興岷藩圭剖銀潢威曉遍於國中加以衛所世襲勳鎮

開疆文武百僚之蒞官分職巡歷各官之奉使從事以及

薦辟科目之殊途舉貢恩例之遞進雜然紛陳無以表之

懼其湮且淆矣故藩封世職職官選舉諸表又次之

言地理者莫先禹貢而於導山導水之後繼以錫土姓誠

以地與民兩相維繫者也周官小史奠繫世國語司商協

名姓又曰工史書世先鄭曰世卽世本之屬故譜牒之掌

實慶府志

總目例言

三

古有專官歷觀前史魏書有官氏志唐書有宰相世系表

而方志之書惟常璩華陽國志略言大姓費著蜀中氏族

譜詳記宗派近會稽章氏湖北志稿一倡此議其書未成

曾以其法修四路廳之永清志甚爲詳覈而儀徵相國亦

存此議於文集中具徵通人雅識夫巨室者編氓之望也

士族者齊民之表也章氏之言曰以直省領列郡以列郡

領州縣以州縣領士族以士族領齊民天下大計可以指

掌言故觀於士族之貞淫興替而知邑里之安危治亂實

慶雖乏巨戴而岷藩封國傳位十世指揮千戶聚處一城

昔之衣租食稅腰金章紫者今皆列在平民入國朝來

以難磨磨世職者亦不一家而衣冠素族所在多有今立

氏族一門首列爵次勳鎮次軍民編戶按其譜籍載其

代展轉占籍之由其中仕宦必書舉貢必書務莫其世繁
詳其里居而士女輒羣之倫閭巷負異之士以及驅場死
事之夫閭閻殉節之女標其名姓皆大書特書庶眾寡可
知淑慝可別宅里可風爭竟可息而欲行保甲團練之法
者亦不外是矣故以氏族士女二表殿十表之終焉

方志舊稱圖經周禮職方氏掌天下之圖土訓掌道地圖
而大司徒以天下土地之圖周知九地域廣輪之數故圖
學之於地理爲尤重今立圖記一門曰形勝凡爲圖二十
以開方法計之每方四十里首列府城及四縣一州城營
塘汛圖以重守禦次列歷代沿革圖以備稽考別爲形勝
記一曰五州縣城郭之地二曰歷代防守之地三曰歷代
用兵之地四曰歷代險要之地曰疆里凡爲圖三百九十

寶慶府志

總目例言

四

有四以開方法計之每方三里別爲疆里記大約分一縣
爲若干鄉鄉轄幾村圖大村各爲一圖最大者分爲二三
圖小者約兩三村圖合爲一圖周圍紆直各視其方圖各
爲記每村圖去治若干里東西南北與何村團接壤某山
自某處起某處止某水自某處來某處去某至某幾里有
某渠某堰某橋某廟某墓及名人遺蹟故老詩文皆附其
下又著明村內大姓某氏庶幾無事之時可以知編氓之
相與守望者何地相與扶持者何人而保甲之法隱寓其
中及乎有事之秋可以知其若何聚集若何歸併若何接
應而團練之法亦具其中又備書其村團之關隘數澤塘
汛途徑若者爲行旅之所湊集若者爲道路之所經由若
者爲盜賊之所藏伏出入皆可周知而土田之美惡民力

之豐歉關於民生政治者無不一覽而具矣

郡在萬山中資水發源經行郡境七百里其名山支川見
於水經地志諸書者紀載不一其原委遠近分合必縷述
無遺始稱完善近世方志雖不廢山川而記載猥雜全無
法度夫山川之遠者或千百里近亦或數十百里而方志
傳曰某山某水在縣東西若干里將指其源乎抑指其委
乎其源去治近者其委必不近也其委去治近者其源必
不近也則里數不可定也上流在縣東下流或轉而西上
流在縣南下流或轉而東則方向不可定也山之首尾亦
然眾小水之赴一大川也有先後有左右方志僅曰某水
入某川而已而彼此之前後決入之左右不可得而知也
而山亦有支分有起止而方志皆不言是皆志山水之過

寶慶府志

總目例言

五

也今以山經之法志山以水經之法志水計郡境之山千
峯萬嶺其大者有三縣南嶺爲江鬱開山凡七支都八十
一山西嶺爲資沅開山凡三十九支都五百八十三山東
嶺爲資湘開山凡十七支都二百五十三山其餘小支各
以類附而山之脈絡起止無不縷析水以資水爲宗所受
之水大凡二十有四由所受之水以達於資者亦二十有
四不歸於資而歸於湘沅暨桂林榕江者又一十有七其
餘小溪亦各以類從而水之源委分合亦無不析矣
形勝疆里皆有圖有記山水但有記無圖以山水皆分見
於形勝疆里圖中也夫圖學之不講久矣古人不以志而
曰圖經故圖最重蓋必明於句股深知形勢更能測星測
景又有指南記星象表重測之器故其成圖也特精自秦

以來古法斷絕鮮有知者晉裴秀作禹貢圖條陳六法猶存古意國初胡氏渭申明六法而以烏道爲要自是踵而效之者遂多然取烏道之說亦未有詳言者近時方志一委之畫工書家且塗飾名勝以相誇耀而圖中城郭廣袤皆畫整方除一城之外幾無地可見疆域以俗傳相續之法羣詭爲明爽何論圖學今增益六法按方搜討既成全圖始一一分割裂爲小圖又編爲六圖其指揣方向鉤心鬬角以明形勢尋歷川涂羣推遠近以明分率用心良苦其法初畫紙爲正方格每方或四五十里或二三十里以府縣治爲中宮方隅則分十二方十六方暨堪輿家所稱二十四向上北下南前東後西取古人六法約爲四要曰分率曰方隅曰烏道曰道里凡作山疊數人字作山水

則爲雙綫經流稍闊支才分許乾流故道則墨填其中伏流則空之使勢連屬道路用疊點分界用單綫城郭略其形勢大小依率字書於中村園峒寨則以□△○別之關則爲丁塘汛則爲卞橋則爲○渡則爲○無論官道小路經緯咸登委曲備寫而酌之以高下方邪紆曲貫之以津梁橋路圖既茂密差即易知別有寶慶疆里圖說見藝文史部地理茲不復贅

天有五行人有五事五事修而五行敘天人徵應之理徵矣自漢書志五行詳錄伏氏洪範傳說及其占應後代作史者因之然於庶徵但紀災眚而不及休祥沈氏宋書因而作符瑞志宋史則兼採祥異嘉禾瑞芝與水旱札瘥備書於冊所謂因其事以考其時則休咎自見也至班史創

藝文志所以網羅載籍收拾遺經也歷代沿襲不改隋書則直稱經籍志近世方志乃以詩文當之郡著述寥寂自唐末秋田咏史後曠歷歲時未聞接踵元明以降代有聞人兵燹風霜故老遺文半就湮沒舊志臚引陳篇詳徵歌咏且遠引風詩侈爲佳話而經史子集見於著錄及金石文字炳於碑版者反任其遺佚陋矣哀而錄之烏可綴與故繼之以五行藝文二略

方志每苦門類繁冗重複雜選方家所識夫志重紀載與朝廷六典通吏之官制戶之貢賦禮之學校兵之營汛刑之律例工之建造皆關係大政勒成一書原以備國史之採茲釐爲六書官師建置繁簡遷移以及俸薪養廉之添裁掾役胥額之增減皆歸吏書戶口田賦倉儲屯政以及鹽茶錢糧之口物產風俗之宜皆入戶書祀典學政祠廟鄉校則禮書所統也營弁塘汛驛站鋪遞則兵書所統也若夫出於禮則入於刑不可不特書之以昭炯戒起大役必動大工不可不詳書之以重民力故繼之以吏戶禮兵刑工六書

有陶士行歐元功之治行而後邵人知樂生有周茂叔張九韶之教化而後邵人知嚮學有柳公綽李公素諸人之詰戎而後邵人免谿峒之患有曾烈愍李節愍諸人之殉難而後邵人識忠義之重功在一時思承千禩循良之咏干城之頌烏可忘也乃若前代遙封未之國及之國而無事蹟可考者其人雖賢例不著錄若岷藩就封傳位十世二百餘年雖歷德時聞而時近事彰難任湮滅舊志紀載

缺如無以徵信又有明一代區區編郡指揮撫千百戶
百餘家偏處一城其中衛所子弟不少才諳足資紀載既
非土著又異流官是宜別立一門以免淆混詩曰戎有良
翰此之謂也故繼之以政績武功良翰三錄
岷藩之國代有命使偉人名德接軫斯都洵不可無紀他
若企鵲之失國永明之稱號闔獻之餘孽孫李之忿爭區
區一隅蹂躪已極 熙朝肇興救民水火瘡痍甫起復
有吳逆之變今則承平日久民不知兵而聞見異詞事已
無考至武岡竄據尤關係殘明掌故
御纂通鑑綱目三編附三藩於後

論令一體稱王免書偽字於三王死節諸臣均蒙

褒卹仰見

寶慶府志

總目例言 入

聖朝寬大之恩海涵地負政無所庸其忌諱哀而錄之不可略

也故又繼之以使岷殘明二錄

襄陽著舊之傳桂陽存先賢之讚楚國人物見於古載
籍者尙已郡文獻寥寥漢以前分隸長沙零陵古有其書
今亡其籍無得言焉考之正史惟邵陽周琦一見晉書武
岡鄧處訥一見唐書楊再興完者之倫一再見宋元二史
此外分見統志通志及各家譜牒記載者自元以前編爲
搜討共得若干人代視縣選行故墜沒大較舉其一隅焉
曰在昔昔曰先民不復區別名目故繼之以先民傳
代遠則多缺略世近則易詳備自明以來薦辟科目學校
三途並用梗楠之選圭璋之彥彬彬輩出聖書交馳於資
邵之郊孝秀爭升於黃峽之野矣或迺明廷錫宴遽返郊

原亦有盤桓利居終身肥遯其間忠臣孝子若儒退士耽
懷道衍服膺六藝甘老牖下而不悔者殆難更僕數舊志
草率摺拾缺漏已甚今詳加甄錄拾其遺闕庶草野一至
之行皆可光日月而格金石闕巷砥節之子亦可垂竹帛
而示子孫故繼之以勝朝著舊忠義孝友儒術文學善行
任俠諸傳

世族地望古人所重首邱土音昔賢不忘故考亭著新安
之號北海仍江夏之稱重返本也郡少洪伐宏顯一二載
在史冊者又多展轉著籍迷其本貫有郡人而疑爲別籍
者如宋史之楊再興不著臨岡周湛別隸穰縣是也有非
郡人而誣爲邵籍者如晉書之邵陵人陳光隋書之邵州
張順是也

寶慶府志

總目例言 九

陽之邵州風馬又舊志以宋史徐經孫無籍貫遂據長沙
牛固不相及也 長沙府志徐經孫寶慶初爲寶慶人也
府志爲寶慶人 主簿遂謫寶慶初爲寶慶人也 湖廣通
志湖南通志楚寶增輯皆因之而不知經孫爲江西吉州
人見 四庫著錄其文自明也又以宋史本紀潘壬之亂
有王元春告變之文遂以邵陽之吏郎侍郎王元春當之
而不知告變之元春爲湖州人見元史方技傳其文可案
也凡此之類多強爲附會而殘明密敕之案與十八先生
同光日月之林烈愍青陽見於明史及

御纂通鑑輯略

欽定勝朝殉節錄諸書班班可考者反不之及其姓名亦在若存
若滅之閒若此之類亦非一事蓋舊志之固陋如此其在
城步沐氏有先塋之志楊氏有世勛之碑藍氏有復姓守

瑩之記皆郡中掌故也今人泥明史定遠六合之文致迷其本貫而通志於城步又僅列楊洪一人小傳寥寥數語實不足以傳信茲本之正史參之載記復親歷各家登其墓兆證以譜牒得其先世手錄印冊作勲衛傳禮失而求諸野官失而守在夷百爾君子庶諒徵考文獻之心毋貽借材異地之誚

英雄之記盛於季漢遺民之錄哀自宋末龍蛇悼羈紲之臣蒙戎咏流離之子前明之季吾楚憔悴忠盡之士過殷墟而泣黍離執干戈以衛社稷者邵人最多至永明逃竄從亡諸臣蹈鼎鑊而如飴甘薇蕨而不返又虞翻所云外來人也舊志漫無區別或且列人流寓類既不倫事且失實其湮沒無聞不見紀載者又無論矣茲分爲遺民宿將

寶慶府志

總目例言

十

從臣遷客四傳不與隱逸流寓諸傳同科亦可以壯河山之氣起幽憤之魂矣至若

國朝肇興全郡內屬二百年來戶遵

皇軌家沐

聖化人躬曾閔之行士挺珪璋之質下至閭巷負販之夫窮閭卹緯之女芳蹤淑德奕世載美故邵之爲郡論漢伐顯奕不及一邊邑而巖棲谷隱徵名聘德若車王理學邵陵風雅諸老嘗起自一隅與中土爭衡海內求名之士必歸焉無論湖外矣故繼之以 國朝耆舊諸傳

香草美人之咏盛於湘中蘋蘩季女之詩登於南國邵襲召南之化俗師節儉之風家不尙綺羅之習人不侈咏絮之才而窮鄉委巷霜餐處女一至之行泣風雨而感鬼神

者動以千百計蓋自明以來見於舊志特旌者二百二十四人見於新志是旌者又一千五百一十六人嗚乎盛矣其姓名已大書特書於士女表又取其事蹟奇特可歌可泣者採而傳之資其苦行昭我管彤亦秉筆之光也故繼之以兩朝列女傳

書不盡言言不盡意古籍之所以日亡也所傳異詞所見異詞厄言之所以日出也方志多採錄軼事爲雜記叢談之類今倣其例爲摭談三卷分天地人物俗故藝異八目豈曰博聞姑付諸信以傳信疑以傳疑之列亦資談助聊等於寓言十九重言十七之條所以存疑亦以拾遺也故受之以摭談終焉

昔常道將云善志者述而不作序事者實而不華是以史

寶慶府志

總目例言

十一

遷之記詳於秦漢班生之書備於哀平皆以世及事近可得而言也寶慶著錄見於古籍者有昭陵圖經邵陵類考及明代之正嘉隆慶志與郡先正之召乘臚句邵陵風雅諸書今皆刊闕不傳入 國朝凡四修一爲傅太守鸞祥一爲李太守益陽一爲梁太守碧海其一則乾隆朝鄭太守之僑也傳志當鼎革倥傯之際迫促將事草創而已本非完書李志較善而剗刪甫竣遂有滇逆之變守土與郡俱陷故其書不爲時重鈔有藏本梁志際開復之後故家遺老尙有存者拾殘補缺圖籍一新顧體裁略備固陋實多鄭志廣收博採自謂遠勝前人幾於家奉一編珍爲科律矣而其書荒謬時有缺陋轉甚今又閱八十餘年未經續纂若再遲則文獻愈替墜失無傳是不可不亟爲修輯

矣顯鶴生爲州民老竊講席每覽陳牘引爲已責才短識
開文湮歎往既慚荒陋復渺咨負屢與邑子鄒漢勛叔結
言之頗欲竭其翬翬之思而官書非私家所得專抱此區
區相對氣莫非一日矣甲辰之夏河曲黃先生來權郡事
興言及此適以茲事誣議叔續實從與之遂相與援翰執
素廣訪博咨而人人殊衆議騰沸懼其久而渝也體例
粗定遽爾開雕黃公旋有大定之擢吳牧伯繼之籌議甫
及而叔續又爲黔中大吏促去事幾中輟會孝義張公來
守是邦力持前議又得學博彭君洋中相助四閱寒暑始
克有成其發凡起例道源究委蒙有一得至蒐討故實采
摭輿地登椒窮涯村至鄉問山川能說古事能述則叔續
兄弟及郡中諸賢之力居多衰門子弟亦與鉛槧之役而

寶慶府志

總目例言

上

提揭綱維終始其事實資彭君要其指歸一稟成於守土
君子而已無與焉惟是一方人物五都士女雖負販之氓
田閒之婦苟有片善必爲甄錄然多出閭巷之口或據諸
牒之私子孫而矜崇其祖父弟子而曲徇其師說者有之
吾師有言聞人之善而不欲疑考古之疏而未敢信是則
懷懷於人非鬼責之懼知我罪我當亦通國之人所見諒
者矣道光二十有九年歲在屠維作噩如月庚子朔新化
鄧顯鶴謹識於南村草堂之讀易窗時年七十有三
案先民舊志諸傳自乾隆二十七年鄭志以前上溯晉唐
宋元凡舊志諸傳自乾隆二十七年鄭志以前上溯晉唐
一詳爲補志略略外者傳采史傳及私家諸牒一
完備至乾隆二十七年以後則以開局後各家採訪爲據
有近時名迹稍著而其家不送稿到局及書成後始送稿
者皆無憑立傳非有章去取也議者諒之及案法係官
於政績武功各錄凡傳人巨公有事茲土一概書名惟濂

溪考亭二公一見政統一見統部發文書于此又一例言
客有富也至村落開多方言俗字如述法坪坑等字不見
字書而質券文契最多此類武國許志所云仍之則不與
雅易以他字則易起爭端是也今略爲提正此外有相沿
即股培即坪即坑即垠即印之類皆予更正此亦治
通用而不可從者如偶作振作振作振作振作振作
亦有字本不謬而後錄者如振作振作振作振作振作
太之類寫不一人技不一例讀者自辨之當不以是相結
也

寶慶府志

總目例言

三

寶慶府志總目例言全

寶慶府志卷輯銜名
道光二十五年乙巳三月
局二十九年己酉六月成書

鑒定

太子太保兵部尚書都察院右都御史巡撫湖南等處兼理糧餉 賞戴花翎 銜

兵部侍郎兼都察院右副都御史巡撫湖南等處兼理糧餉 賞戴花翎 銜

護理湖南巡撫部院承宣布政使司布政使 萬貞珍

掌江西道監察御史前提督湖南全省學政 陳垣

翰林院編修 記名御史 國史館總纂湖南學政 梁同新

兼署湖南布政使司布政使 鹽法長寶道 賞戴花翎 楊炳堃

湖南提刑按察使司按察使 今任山東巡撫 徐澤醇

湖南提刑按察使司按察使 今任江蘇布政使 程煥采

湖南提刑按察使司按察使 司按察使 楊文定

湖南提刑按察使司按察使 司按察使 楊文定

寶慶府志

纂輯銜名

署湖南按察使事 衡永郴桂道 俞焜

署湖南糧儲道 長沙府知府 雷成模

湖南糧儲道 儲道 陳樹生

主修

寶慶府知府 賞戴花翎 張鎮南

創修

署寶慶府知府 貴州大定府知府 黃宅中

同修

署寶慶府知府 郴州直隸州知州 吳士俊

寶慶府理藩同知 調任永州江藍同知 朱自順

署寶慶府同知 新寧縣知縣 朱翔鳳

寶慶府理藩同知 黃文琛

協修

寶慶府通判 喜英

邵陽縣知縣 汪杰

邵陽縣知縣 趙朋齡

署邵陽縣知縣 龐公照

署新化縣知縣 激浦縣知縣 薛超文

新化縣知縣 調任湘潭縣知縣 李春暄

新化縣知縣 鄧照蘭

武岡州知州 芷江縣知縣 謝廷榮

署武岡州知州 新寧縣知縣 李博

加知州 衡署新寧縣知縣 縣將成生

城步縣知縣 常德府經歷 恩袁榮渭

寶慶府志

纂輯銜名

署城步縣知縣 常德府經歷 恩袁榮渭

署寶慶府通判 候補直隸州州判 洪琅

寶慶府學教諭 郭維城

寶慶府學教諭 導周有筵

邵陽縣學教諭 升任常德府教諭 張慧田

邵陽縣學教諭 莊世恭

署新化縣學教諭 胡光琪

新化縣學教諭 王季俊

新化縣學訓導 升任臨湘縣教諭 黃式常

署新化縣學訓導 譚國恩

新化縣學訓導 勞崇禮

武岡州學	正謝德歲
武岡州學	導舒其錄
署新寧縣學	教諭袁淑
新寧縣學	教諭常道勛
新寧縣學	教諭楊紹榮
新寧縣學	教諭易履元
城步縣學	教諭張廷彥
城步縣學	訓導蕭譜彬
署城步縣學	訓導羅之璠
署武岡州同茶陵州州判姚鈞培	
武岡州	同傅弼
寶慶府志	
武岡州	
武岡峽口司巡檢余兆智	
武岡石門司巡檢周兆亨	
城步橫額司巡檢姚奎文	
城步江頭司巡檢朱錫川	
武岡州吏目吳學璧	
新化縣典史趙森	
新寧縣典史陳霖	
城步縣典史張晉銘	
總卷	
前長沙府寧鄉縣儒學以教諭銜管訓導事教諭知縣張漢書長新化鄧顯鶴	
同卷	
邵陽縣儒學以教諭銜管訓導事湘鄉彭洋中	

郡	廩	生新化鄧漢勛
分輯		
旌表孝子縣學生員		邵陽黃則有
舉人揀選知縣		邵陽楊太
拔貢生卽選教諭		新化鄧瑄
童		生新化鄧漢漢
童		生新化鄧漢章
分編		
舉人揀選知縣		新化李洽
舉人揀選知縣		新化鄧琮
拔貢生正白旗官學教習		邵陽黃炳昆
童		生新化鄧漢池
寶慶府志		
校訂		
舉人揀選知縣		邵陽李仲芳
舉人揀選知縣		新化鄧環
順天鄉試舉人宛平籍		新化彭旭
歲貢生候選訓導		新寧江上景
廩		生武岡張友城
分道採訪		
府學廩		生邵陽張家鈺
縣學廩		生新化鄧召旬
府學增		生邵陽姚叶韶
府學生		員新化譚建宅

縣	學	生	員新化鄧	縣	學	生	員城步尹	監		生邵陽車鍾毓	布		衣邵陽劉紀廉	童		生新化唐敦德	童		生新化鄧世均	邵陽採訪	加同知銜原任四川郫縣知縣歐陽似	內閣中書江蘇候補知州魏源	原任江西湖口知縣譚慈寬	原任辰州府教授劉守坤	原任慈利縣教諭歐陽信	寶慶府志	纂輯銜名	五	原任茶陵州學正曾宗達	揀選知縣鄧縣學訓導王光槐	舉人揀選知縣伍澤景	舉人揀選知縣石巖琛	舉人揀選知縣石河文	舉人揀選知縣劉榮幹	舉人揀選知縣陳拔南	舉人揀選知縣羅承煜	舉人揀選知縣鍾德烈	舉人揀選知縣王廷選	副榜貢生候選教諭簡榮元
---	---	---	------	---	---	---	------	---	--	--------	---	--	--------	---	--	--------	---	--	--------	------	-----------------	--------------	-------------	------------	------------	------	------	---	------------	--------------	-----------	-----------	-----------	-----------	-----------	-----------	-----------	-----------	-------------

歲	貢	生	候	選	訓	導台即約
歲	貢	生	候	選	訓	導雲南華
歲	貢	生	候	選	訓	導魏之范
茂	貢	生	候	選	訓	導金方賢
加都司衙丞州守備	賞戴花翎方世儒					
廩	生	考	取	拔	貢何樹年	
廩	生	考	取	拔	貢楊毓柑	
廩	生	考	取	拔	貢魏炳熊	
廩					生王遐襄	
廩					生游東序	
廩					生翼琴	
廩					生謝永壽	
廩					生蕭良顯	
廩					生劉艾寅	
廩					生蔣瑛	
廩					生劉艾匯	
廩					生范石麟	
廩					生賀希乾	
廩					生石熊文	
廩					生曾開驥	
廩					生郭浚湘	
廩					生王學淵	
廩					生趙盈科	
廩					生趙騰芳	

生	員韓楚珍
監	生歐陽燧
吏	員李恆懋
新化採訪	
原任武昌府教授	例重赴鹿鳴宴楊溫
原任吏部文選司主事	王家勳
原任貴州黃平州知州	彭泰楠
四川南川縣知縣	魏崧
原任浙江遂昌縣知縣	候選直隸州知州晏貽玖
陝西師用知縣	劉應祥
原任直隸望都縣知縣	歐陽學
直隸候補知縣	蔡錫申
寶慶府志	
揀選知縣	綬寧縣學教諭游喬洛
揀選知縣	湘鄉縣學教諭歐陽燾文
安仁縣學教諭	保舉知縣陳能超
澧州學訓導	李澤沐
安鄉縣學訓導	劉立達
藍山縣學訓導	楊士錦
岳州府學訓導	晏貽震
舉人	候選教諭周穆屏
舉人	截取知縣楊珏
舉人	截取知縣曾宣旬
舉人	揀選知縣余光炳
舉人	國子監典籍銜王者瑞

舉人揀選知縣張陽瑞	舉人揀選知縣鄒榮熙	舉人揀選知縣羅永超	舉人揀選知縣鄒湘側	舉人揀選知縣劉世俊	舉人揀選知縣鄒子律	恩貢生候選教諭羅廷鑑	拔貢生候選教諭黃鶴	拔貢生候選教諭蘇士瑛	副榜貢生候選教諭張拔羣	副榜貢生候選教諭李浚	寶慶府志	歲貢生候選訓導張可鳳	歲貢生候選訓導吳康	分發試用訓導羅世傑	分發試用訓導陳之弼	候選訓導曾楠	原任東昌衛守備劉大有	武舉周元卓	廩生考取拔貢彭履成	廩生劉振都	廩生周作宣	廩生譚謙
-----------	-----------	-----------	-----------	-----------	-----------	------------	-----------	------------	-------------	------------	------	------------	-----------	-----------	-----------	--------	------------	-------	-----------	-------	-------	------

[illegible]